

ქ. ქუთაისი

14 დეკემბერი, 2012 წელი

საჯარო სამართლის იურიდიულმა პირმა - ზურაბ ჟვანიას სახელობის სახელმწიფო ადმინისტრირების სკოლამ, შემდგომში „შემსყიდველად“ წოდებულმა, მისი დირექტორის მოვალეობის შემსრულებლის გია ცუცხვაშვილის სახით, ერთის მხრივ, მოქმედმა სკოლის წესდებისა და „სახელმწიფო შესყიდვების შესახებ“ კანონის საფუძველზე და შეზღუდული პასუხისმგებლობის საზოგადოება „მოდინახემ“, მისი დირექტორის ირაკლი ფურცხვანიძის სახით, შემდგომში „მიმწოდებლად“ წოდებულმა, მეორეს მხრივ, მივაღწიეთ ურთიერთშეთანხმებას და დავდეთ ეს ხელშეკრულება შემდეგზე:

1. ხელშეკრულების საგანი

შემსყიდველმა აწარმოა მოლაპარაკება მიმწოდებელთან სახურავის ინდივიდუალური სატელევიზიო ანტენის (CPV კლასიფიკატორის დანაყოფის კოდი 32300000 – ტელე და რადიო მიმღებები და ხმის ან ვიდეო ჩამწერები ან რეპროდუცირების აპარატურა, შესყიდვის ობიექტის CPV კოდი 32324400 – სატელევიზიო ანტენები) შესყიდვაზე და მიიღო მისგან წინადადება აღნიშნული საქონლის მიწოდებაზე.

2. ხელშეკრულების პირობები

2.1. შემსყიდველი ახორციელებს ამ ხელშეკრულების 1-ლი მუხლით განსაზღვრული საქონლის სახელმწიფო შესყიდვას მიმწოდებლისაგან გამარტივებული შესყიდვის წესით, 2012 წლის სახელმწიფო ბიუჯეტის ასიგნებების ხარჯზე და ამ ხელშეკრულებით გათვალისწინებული პირობებით.

2.2. შესყიდული საქონლის ტექნიკური და ხარისხობრივი მახასიათებლები უნდა შეესაბამებოდეს საქართველოში მოქმედი სტანდარტების ნორმებს.

2.3. შესასყიდა შემდეგი საქონელი:

– ანტენა სატელევიზიო, ინდივიდუალური, სახურავის EM-01 – 01 (ერთი) ცალი.

შესასყიდი საქონელი უნდა იყოს ახალი (უხმარი).

2.4. შესასყიდი საქონლის ერთეულის ღირებულებაა 30 (ოცდაათი) ლარი.

2.5. საქონლის მიწოდება განხორციელდება ხელშეკრულების ხელმოწერისთანავე მიმწოდებლის მაღაზიაში ქალაქ ქუთაისში. მიწოდების ადგილიდან საქონლის ტრანსპორტირებაზე პასუხისმგებელია შემსყიდველი.

2.6. ხელშეკრულების ღირებულებაა 30 (ოცდაათი) ლარი, რაც მოიცავს საქონლის ღირებულებას და ყოველგვარ გადასახადებს.

3. მხარეთა უფლება-მოვალეობები

3.1. მიმწოდებელი ვალდებულია, უზრუნველყოს შემსყიდველისათვის ამ ხელშეკრულების 1-ლი მუხლით განსაზღვრული საქონლის მიწოდება ამავე ხელშეკრულების 2.5 მუხლით განსაზღვრულ ვადაში.

3.2. საქონლის მიღებამდე შემსყიდველი აწარმოებს მიწოდებული საქონლის ხარისხის შემოწმებას მისი მიწოდების ადგილზე. შემოწმების შედეგებს, თუ შემოწმებისას გამოვლინდა მისაწოდებელი საქონლის ნაკლი ან/და წუნი, შემსყიდველი აფორმებს წერილობითი აქტის სახით, რომელშიც მიეთითება დაწუნებული საქონლის დასახელება, რაოდენობა და წუნდების მიზეზი. აქტი დაუყოვნებლივ გადაეცემა მიმწოდებელს.

3.3. საქონლის შემოწმებას შემსყიდველი ახორციელებს კონტროლის კოორდინატორის მეშვეობით, რომელსაც ამ ხელშეკრულების მიზნებისათვის წარმოადგენს შემსყიდველის სამეურნეო სამსახურის უფროსი გელა სინაურიძე. თუ შემოწმების პროცესში კონტროლის კოორდინატორსა და მიმწოდებელს შორის წარმოიშობა უთანხმოება, საკითხი განიხილება შემსყიდველისა და მიმწოდებლის დირექტორების მიერ, ხოლო საკითხის ამ გზით მოუგვარებლობის შემთხვევაში - ქუთაისის საქალაქო სასამართლოს მიერ.

3.4. მიმწოდებელი ვალდებულია, საკუთარი ხარჯებით უზრუნველყოს მიწოდებული საქონლის შემოწმების შედეგად გამოვლენილი ყოველგვარი წუნის ან/და დანაკლისის დაუყოვნებლივ აღმოფხვრა და წუნდებული საქონლის შეცვლა.

3.5. შემსყიდველის მიერ საქონლის მიღება დასტურდება მიღება-ჩაბარების აქტით, რომელსაც შემსყიდველის მხრიდან ხელს აწერს კონტროლის კოორდინატორი.

3.6. მიმწოდებელი ვალდებულია, საქონლის ჩაბარებისთანავე წარუდგინოს შემსყიდველს სასაქონლო ზედნადები მიწოდებული საქონლის დასახელების, რაოდენობისა და ღირებულების მითითებით.

3.7. შემსყიდველი ვალდებულია, გადაუხადოს მიმწოდებელს მიღებული საქონლის ღირებულება სასაქონლო ზედნადების მიღებიდან ხუთი სამუშაო დღის ვადაში.

3.8. ანგარიშსწორება განხორციელდება ლარებით, საბანკო გადარიცხვით (უნაღდო ანგარიშსწორებით).

4. დასკნითი დებულებები

4.1. ამ ხელშეკრულების პირობების შეცვლა ხელშეკრულების მოქმედების პერიოდში დასაშვებია მხოლოდ მხარეთა ურთიერთშეთანხმებით.

4.3. საქონლის დაგვიანებით მიწოდების შემთხვევაში შემსყიდველი გადასახდელი თანხიდან უკავებს მიმწოდებელს პირგასამტეხლოს ხელშეკრულების ღირებულების 0,2 პროცენტის ოდენობით მიწოდების ვადაგადაცილების ყოველ დღეზე.

4.4. მიღებული საქონლის ღირებულების ამ ხელშეკრულების 3.6 მუხლით განსაზღვრული ვადის დარღვევის შემთხვევაში შემსყიდველი უხდის მიმწოდებელს პირგასამტეხლოს დროულად გადაუხდელი თანხის 0,2 %-ის ოდენობით გადახდის დაგვიანების ყოველ დღეზე.

4.5. მხარეები კისრულობენ პასუხისმგებლობას ამ ხელშეკრულებებით ნაკისრი ვალდებულებების შეუსრულებლობაზე ან არასათანადოდ შესრულებაზე, გარდა ფორს-მაჟორული სიტუაციებით გამოწვეული შემთხვევებისა. სიტუაციის ფორს-მაჟორულობა ფასდება მხარეთა მიერ ერთობლივად, შეთანხმების მიუღწევლობის შემთხვევაში - სასამართლოს მიერ.

4.6. ხელშეკრულება შედგენილია ქართულ ენაზე ორ პირად, რომელთაგან ერთი ინახება მიმწოდებელთან და მეორე - შემსყიდველთან. ხელშეკრულების ორივე პირი თანაბარი იურიდიული ძალისაა.

4.7. ხელშეკრულება ძალაში შედის 2012 წლის 14 დეკემბერს და ძალაშია საბოლოო ანგარიშსწორების დღემდე - არაუგვიანეს 2012 წლის 28 დეკემბრისა.

5. მხარეთა რეკვიზიტები და ხელმოწერები

„შემსყიდველი“

საჯარო სამართლის იურიდიული პირი ზურაბ
ჟვანიას სახელობის სახელმწიფო
ადმინისტრირების სკოლა

გადასახადების გადამხდელის საიდენტიფიკაციო
ნომერი 212852055

ქუთაისი, ნიკეას ქუჩა, 13. ტელ. (431) 23 26 00

საბანკო ანგარიში № GE52BR0000010309346693

ს.ს. „ბანკ „რესპუბლიკის“ ქუთაისის № 2 სერვის-
ცენტრში (კოდი REPLGE22)

დირექტორის მოვალეობის შემსრულებელი



გია ცუცუვაშვილი

„მიმწოდებელი“

შეზღუდული პასუხისმგებლობის საზოგადოება
„მოდინახე“

გადასახადების გადამხდელის საიდენტიფიკაციო
ნომერი 412674244

ქუთაისი, გრიშაშვილის ქუჩა, 12. ტელ. (431) 24 38 03

საბანკო ანგარიში № GE62BG00000007151800

ს.ს. „საქართველოს ბანკში“ (კოდი BAGAGE22)

დირექტორი



ირაკლი ფურცხვანიძე